

PROCESVERBAL

- I mbajtur sot më datë 26.03.2025 në mbledhjen e radhës së Këshillit Bashkiak Librazhd.
 - Pasi u lexua rendi i ditës nga Kryetari i Këshillit të gjithë të pranishmit janë dakort 18 vota pro.
 - Miratohet fillimi i mbledhjes me këtë rend dite si më poshtë vijon:
1. **P/Vendim** “Mbi dhënien e ndihmës ekonomike nga fondi i kushtëzuar 6 % periudha shkurt 2025”.
 2. **P/Vendim** “Për miratimin e tavaneve përgatitore për projekt-buxhetin afatmesëm 2026-2028”
 3. **P/Vendim** “Miratimin e akt-marrveshjes nr.1377 datë 10.03.2025 “Për montimin e një ure metalike tip “Baily” në fshatin Polis Sheh,Njësia Administrative Polis ,Bashkia Librazhd”.
 4. **P/Vendim** “ Propozim për dhënien e Statusit Dëshmori I Atdheut të ndjerit Muharrem Hidri”
 5. **P/Vendim** “ Për caktim agjenti tatimor për vitin 2025”.
 6. **P/Vendim** “ Për miratimin e sistemit të pikëzimit për programin e banesave me kosto të ulët dhe subvencionimi i interesave të kredisë”.
 7. **P/Vendim** “ Për një ndryshim në vkb nr 116,date 27.12.2024, Për ngritjen e komisionit të strehimit”.
 8. **P/Vendim** “Mbi propozim për nxjerrjen jashtë përdorimit të materialeve në pronësi të bashkisë dhe të Njësive në varësi të saj”

9. Të ndryshme:

Shënim: Largohen nga mbledhja katër këshilltarë të opozitës për arsye të një Peticioni Drejtuar Këshillit Bashkiak me titull “ Për mbrojtjen e interesave të banorëve të Hotolishtit në lidhje me ndërtimin e rrugës Elbasan Qafë-Thanë”.

- Kryetari i Këshillit Mitat Bicaku i sqaron në lidhje me këtë Peticion: Shqetësimi i banorëve të Hotolishtit është mëse i drejtë, ky shqetësim tashmë ka shkuar deri te Kryeministri i Shqipërisë dhe besojmë të gjithë që ky shqetësim do të marri një zgjidhje.Ku dhe vetë Zv/Kryeministrja znj.Belinda Balluku në inspektimin që kreu bashkë me Kryeministrin e ngriti si shqetësim ku tha që shumë shpejt do të bëjmë një takim me popullin e Hotolishtit dhe besoj se do të gjejmë gjuhën e përbashkët që ky shqetësim të marri zgjidhje.
- Kryetari i Këshillit Mitat Bicaku e merr fjalën: Vazhdojmë me rendin e ditës dhe mbas largimit të Grupit të Opozitës korumi i nevojshëm për fillimin e mbledhjes e kemi ku jemi të pranishë **13 këshilltarë**.

Fillimi i mbledhjes:

P/Vendimi nr 1 “Mbi dhënien e ndihmës ekonomike nga fondi i kushtëzuar 6 % periudha shkurt 2025”.

Këshilltari Ndriçim Doda e merr fjalën,kam një kërkesë në lidhje me specialistët e ndihmës ekonomike,duhet të shkojnë ta bëjnë verifikim në terren të familjes dhe jo cfarë nxjerr sistemi.

Të një mendimi janë dhe këshilltarët e pranishëm në mbledhje.

Hidhet në votim ky P/Vendim; Miratohet më të gjitha votat e të pranishmëve **13 vota pro.**

P/Vendimi nr 2 “Për miratimin e tavaneve përgatitore për projekt-buxhetin afatmesëm 2026-2028”

Fjalën e merr Drejtoresha e Financës për të sqaruar këshilltarët në lidhje me këtë P/Vendim.

Përcaktimi i tavaneve përgatitore të shpenzimeve të PBA për vitet 2026-2028 është bazuar në ligjin nr.139/2015 “Për vetqeverisjen vendore”në përputhje me nenin 4 dhe 24 të ligjit nr.9936,date 26.06.2008 Për menaxhimin e sistemit buxhetor në Republikën e Shqipërisë”.Kemi bërë një shpërndarje të detajuar në tablelat përkatëse bashkëlidhur p/vendimit dhe relacionin shpjegues.

Këshilltari Ndriçim Doda e merr fjalën.

A ndryshon tarifa për tokat bujqësore apo ngel e njënjtë?

Fjalën e merr Drejtoresha e Taksave dhe Tarifave Vendore Znj.Lindita Shuli për të sqaruar pyetjet e këshilltarëve.

Tarifa për tokat bujqësore nuk ndryshon dhe çmimi miratohet nga Ministria.

Hidhet në votim ky P/Vendim; Miratohet me të gjitha votat e të pranishmëve 13 vota pro.

P/Vendimi nr 3 “Miratimin e akt-marrveshjes nr.1377 datë 10.03.2025 “Për montimin e një ure metalike tip “Baily” në fshatin Polis Sheh,Njësia Administrative Polis ,Bashkia Librazhd”.

Nuk ka pyetje nga këshilltarët.

Hidhet në votim ky P/Vendim; Miratohet më të gjitha votat e të pranishmëve 13 vota pro.

P/Vendimi nr 4 “Propozim për dhënien e Statusit Dëshmori i Atdheut të ndjerit Muharrem Hidri”

Fjalën e merr këshilltari Kujtim Albrahimi.

Përderisa Komisioni përkatës e ka sjell për ta miratuar jemi pro këtij p/vendimi, shumë që këshilli bashkiak nderon këto figura.

Hidhet në votim ky P/Vendim; Miratohet më të gjitha votat e të pranishmëve 13 vota pro.

P/Vendimi nr 5 “Për caktim agjenti tatimor për vitin 2025”.

Kryetari i Këshillit shpjegon këshilltarët në lidhje me këtë p/vendim;

Ky p/vendim nuk është miratura në mbledhjen e kaluar pasi masa e shpërblimit të agjentit tatimor ka qënë në 2% ,ku këshilltarët kanë qënë kundër të jetë 2% por të vazhdojë në masën 1% sic ka qënë dhe më pare.

Këshilltarët nuk kanë pyetje në lidhje me këtë p/vendim

Hidhet në votim ky P/Vendim; Miratohet më të gjitha votat e të pranishmëve 13 vota pro.

P/Vendimi nr 6 “Për miratimin e sistemit të pikëzimit për programin e banesave me kosto të ulët dhe subvencionimi i interesave të kredisë”.

Këshilltarja Adelina Alla e merr fjalën.

A me këto kushte do të përzgjidhen dhe fituesit? Dhe ku bëhen aplikimet?

Fjalën e merr Sekretari I Përgjithshëm Bajram Pishkashi për sqarimin e pyetjeve të bërë nga këshilltarët.

Në bazë të programeve në miratojmë gjithmonë kriteret bazë për përfitimin e këtyre programeve. Aplikimet bëhen në bashki tek Zyra e Strehimit dhe duhet të ketë sa më shumë aplikime.

Hidhet në votim ky P/Vendim; Miratohet më të gjitha votat e të pranishmëve 13 vota pro.

P/Vendimi nr 7 “Për një ndryshim në vkb nr 116, date 27.12.2024, Për ngritjen e komisionit të strehimit”.

Kryetari i Këshillit shpjegon këshilltarët në lidhje me këtë p/vendim;

Në këtë p/vendim kemi vetëm zëvendësimin e Kryetarit të Komisionit pasi ka marrë një detyrë tjetër jashtë bashkisë.

Hidhet në votim ky P/Vendim; Miratohet më të gjitha votat e të pranishmëve 13 vota pro.

P/Vendimi nr 8 “Mbi propozim për nxjerrjen jashtë përdorimit të materialeve në pronësi të bashkisë dhe të Njësisë në varësi të saj”

Këshilltari Zenel Bahiti e merr fjalën.

A ka urdhër të titullarit në lidhje me këtë p/vendim ?

Kryetari i Këshillit e merr fjalën.

A merren masat e duhura për dëmtimin e këtyre materialeve ,pasi kemi prezent dhe Drejtorë ?

Fjalën e merr Drejtoresha për të sqaruar pyetjen e këshilltares.

Në lidhje me pyetjen e pare, urdhëri I Kryetarit të bashkisë del pasi vendimi është konfirmuar në Prfekturë dhe ngrihet dhe komisioni përkatës.

Këshilltarja Arjana Çekrezi e merr fjalën.

Grupi I Komisionit nga Bashkia gjithmonë ka ardhur dhe ka verifikuar të gjitha materialet që dalin jashtë përdorimit.Në shkollën ku unë jamë Drejtoreshë e kam bërë urdhër kush dëmton materialet e shkolles duhet ti paguaj vetë dëmtuesi.

Hidhet në votim ky P/Vendim; Miratohet më të gjitha votat e të pranishmëve 13 vota pro.

SEKRETAR I KËSHILLIT
Elson MALLUTA



KRYETARI I KËSHILLIT
Mitat BICAKU

